

## The Pajjamadhu.

A Poem in praise of Buddha.

EDITED BY  
EDMUND R. GOONERATNE  
(MUDALIYAR).

THE Pajjamadhu is an elaborate Pāli poem in 104 stanzas, composed by the venerable Buddhappiya, the pupil of the celebrated Ānanda. He was also the author of the Pāli Grammar, called the Rūpa Siddhi. The author, unlike others in the East, has given us his name and pupilage in verse 103 :

Ānanda rañña ratanādi mahā yatinda  
Niccappa buddha padumappiya sevi naṅgi  
Buddhappiyena ghana buddha guṇappiyena  
Therālinā racita pajja madhum pi bantu

Drink (deeply) the Pajjamadhu (the nectar-like verses) made by the bee Buddhappiya (pleased with the virtues of Buddha), who gladly depends on the lotus, Ānanda Vana ratana, heavy with good qualities, incessantly expanded.

The first sixty-nine verses describe the beauties of Buddha's person, the rest are in praise of his wisdom, concluded with a panegyric on the Order and Nirvāna.

This little poem, it is believed, was composed in the Solean country, where, at this period, Buddhism was flourishing in almost its pristine purity; and where the author, as we learn from a verse in the Rūpa Siddhi, held the incumbency of several temples, and by his eminent abilities commanded a high reputation.

The author, unfortunately, does not give us the date of his work, but we may safely premise that it was composed at the same time as the Rūpa Siddhi, to which our scholars give A.D. 1100 as the probable date.

The language is Sanskritized Pāli, and some of the verses are intricate puzzles. There is a gloss, in Sinhalese, to the entire poem; but it is verbose, and rather diffuse in its explanations.

I have to acknowledge, with thanks, the valuable aid I received from my tutor, the learned Paṇṇasekhara of Kodagoda, in editing this little work, which I expect will interest students of the language.

E. R. G

GALLE, October 5, 1885.

[ The Pajjamadhu. ]

NAMO TASSA BHAGAVATO ARAHATO SAMMĀ  
SAMBUDDHASSA.

- 1 Unnāpapuṇṇasasimaṇḍalato galitvā  
Pādambujaṅguli dalaṭṭha sudhā lavānaṃ  
Pantīva satthu nakhapanti pajāvīsesaṃ  
Piṇetu suddha sukhitammaṇa tuṇḍapītā
- 2 Khittāya māraripunā parivatya satthu  
Pādassayā jita disāya sitattalāya  
Yā jeta kañcana sarāvaliyā sirim sā  
De'tanginaṃ raṇajayaṅgulipantikantā
- 3 Sovanna vaṇṇa sukhuma chavi somma kumma  
Piṭṭhiva piṭṭhi kamatunnati bhāti yesaṃ  
Tesuppatiṭṭhitasukomaladighapaṇhi  
Pādā jinassa padadantu padam janassa
- 4 Acchera paṅkajasirim siriya sakāya  
Ye maddino viya caranti saroja sīse  
Sañcumbitā viya ca tāni parāga rāgā  
Te nīrajā munipadā padadantu lakkhiṃ
- 5 Agāmi kāla jana maṅgala bhattu bhavaṃ  
Vyākattum atra kusalen' iva nimmitāni  
Yātrāsum aṭṭhasatamaṅgalalakkhaṇāni  
Sādhentu naṃ padayugaṃ jayamaṅgalāni
- 6 Sassevijantuvarasantipurappave  
Niccāṃ susajja ṭhapitān' iva maṅgalāya  
Ye te dadhanti kalamaṅgalalakkhaṇāni  
Vattantu te jinapadā jayamaṅgalāya

- 7 Sabbe 'bhibhūya sapadesu nipātanassa  
 Saññāṇakam viya yadassitasabbaloko  
 Pādātya' dhokatatilokasirovarā pi  
 Lokam puṇantu jayamaṅgalakāraṇāni
- 8 Lokattayekasaraṇattavibhāvanāya  
 Sajjo va titthati yaḥim suvibhattaloko  
 Tamsabbalokapaṭi bimbīdadappaṇābham  
 Pādadvayam janāsusajjanahetu hotu
- 9 Lokuttarāya siriya' dhigamāya sutthu  
 Rajanti yattha diguṇān' iva pātu bhūtā  
 Cakkāsanābhisahanemisahassarāni  
 Tyaṅghī disantu sakalissariyam janassa
- 10 Yatrullasanti duvidhān' iva pātū bhūtā  
 Dhammassasabbabhuvanassa ca issaratte  
 Cakkāni cakkasadisāni sudassanassa  
 Tān' ajja jantu saraṇā caranāni hontu
- 11 Sattesu vacchatu sirī sirivacchakena  
 Sovatthi sotthim anutiṭṭhatu puggalesu  
 Nandim janānam anuvattatu nandivattī  
 Sisān' alaṃkurutu pādavatamsako pi
- 12 Bhaddāya pīṭham upagacchatu bhaddapīṭham  
 Vuddhim janānam anuvattatu vaddhamānam  
 Puṇṇattam aṅgim anu kubbatu puṇṇakumbho  
 Pāti ca pātu satatam janatam apāyā
- 13 Setātapattam apanetam aghātape tam  
 Khaggo vichindatu sadā duritārivagge  
 Saṃklesadāham apanetu satālavanta  
 Saṃvijāni kumatimakkhikamorahattho

- 14 Ākaḍḍhano janavilocanam attaninnam  
 Vāretu sabbagativāranamaṅkuso so  
 Pādambujassirivilāsaniketanam va  
 Pāsādalakhaṇam upetu manopasādam
- 15 Pāṇīnam attabhajataṃ varapuṇṇapattaṃ  
 Sammā daḍḍātu padanissitapuṇṇapatto  
 Pādesu jantu manabandhanadāmahūtaṃ  
 Dāmaṃ dametu vimalaṃ janatam manāni
- 16 Uṇḥisakuppalamaṇipadumehi pādā  
 Sassevijaṅtukaraṇāni vibhūsayantu  
 Sannettanāvupagatānam anagghakāni  
 Bojj'haṅgasattaratanāni dade samuddo
- 17 Uttuṅga niccalaguṇā jitatāya niccaṃ  
 Seviva pādasiri nicca samubbahaṃ va  
 Atrāpi Sakkabhavanubbahaṇe niyutto  
 Pādaṭṭhameru bhavataṃ bhavataṃ vibhūtyā
- 18 So cakkavālasikharī pyavataṃ samantā  
 Sabbūpasaggavisarā janataṃ samaggaṃ  
 Dīpā puthūpi caturo dvisahassa khuddā  
 Dhārentvapāyapatamānam adatva jantaṃ
- 19 Sūro pabodhayatu jantu saroruhāni  
 Cando pasāda kumudāni manodaheṣu  
 Nakkhattajātam akhilaṃ subhatāya hotu  
 Cakkaṃ dhajaṃ ripujayāya jayaddhajāya
- 20 Jetuṃ sasamsada-Sudassana-cakkavatti  
 Cakkānugantalalitaṃ yahim āvaheyya  
 Cakkāṇuvatti-parisāvuta-cakkavatti  
 Namvattataṃ padayugaṃ janatā hitāya

- 21 Puĵetum āgata vatā vajirāsanatṭha  
Mindena chaddita mahāvijayuttarākhyam  
Saṃkham pavitṭham ivā mārabhayā padādho  
Pādatṭhasaṃkham iha vattatu santiyā vo
- 22 Sovanṇamacchayugalam sivabhatta bhoge  
Icchā bahūpakaraṇam bhavataṃ janānam  
Kumbhiladhiggahitato va padutthacittā  
Pādambujākara vigāhi tu nopahontu
- 23 Sattāpagā janamanoja male jahantu  
Saṃklesadāham apanentu dahā ca satta  
Selā ca satta vidadhantu janassa tānam  
Lokappasiddhijanane bhavataṃ patākā
- 24 Pāṭaṅki santi gamane bhavatūpakārā  
Dāhettanesu jahataṃ padacāmaram taṃ  
Sallokalocanamahussavaussitaṃ va  
Vatteyya toraṇam anuttaramaṅgalāya
- 25 Yasmiṃ miginda gata bhīti balāva dadḍha  
Dānā natā siravidāraṇa pīlītava  
Nālāgiri karivaro Girimekhalo ca  
Taṃ sihavikkamapadaṃ hanatā ghadantiṃ
- 26 Pāpāhino hanatu pādasuvaṇṇarājā  
Vyagghādhipo kalijane adataṃ asesam  
Vālāhaassapati sampatitum adatvā  
Pāyesu pāpayatu santipuram pajāyo
- 27 Chaddanta danti lalitaṃ galitaṃ rusamhā  
Luddetta dubbhīni dise acalaṃ dadhāno  
Pādatṭhahatthipati sampati jantutāse  
Tāsetu hāsam aparandisatam satānam

- 28 Sabbaṅgino caraṇuposatha hatthirājā  
Pāpetu sabbacatudīpikarajjalakkhiṃ  
Kittīva pādapariārikatā niyuttā  
Kelasaselapatimā hitam ācareyya.
- 29 Sāmissa haṃsasamaye dahapāsabaddha  
Māsīna vesagamako viya pādahaṃso  
Nigghosa gantijitato viya mūgapakkho  
Vāretu sabba janatā bhavagantukattam.
- 30 Ohāya dibbasarasim khilaloka sabba  
Ramm'aṅghivāpim avagāhitavāva pāde  
Erāvaṇo karivaro mansābhiruḷhe  
Jantum Purindadapuram nayatam va sīgham.
- 31 Hitvā sakam bhavanam aṅghinisevanattha  
Māgamma ramma taratāyīha nissito va  
Pāletva mūni padavāpitarāṅgabhaṅgi  
Mangī karontatanuvāsuki nāgarājā
- 32 Nāthassa kañcanasikhāvalajātīlīla  
Māvīkaram va padanissitamorarājā  
Tam dhammadesanaraven' iva luddakassa  
Lokassa pāpaphaṇino hanatam asesam
- 33 Samsārasāgaragate sadhane jane te  
Net ampade kalacatum mukhahemanāvā  
Nibbānapattānavaram Bharukacchakantam  
Suppārapaṇḍita gatā viya āsunāvā
- 34 Sambodhi nāṇa paripācayato munissa  
Bhatto yathā himava'taddi samādhīhetu  
Evam manena bhajatam himavaddipāde  
Sambodhiṇāṇa paripācanahetu hotu

- 35 Daḷhaṃ parājitatayā muninā sarena  
 Suññas saropagata pañjara bandhano'va  
 So pādapañjaragato karavikapakkhī  
 Sabbesamaṃ piyāvacañ jahatā bhavantam
- 36 Te cakkavāka makarā api koñca jivam  
 Jivādi pakkhivisarā sarasīva bhuttam  
 Vessantarena caraṇambuji nibbhajantā  
 Jantu taḥim viya pade suramentu niccam
- 37 Tam candakinnaragatiṃva gatassa bodhi  
 Sattassa tassa sapajāpatikassa bhāvam  
 Samsūcayanta pada kinnara kinnarī ve  
 Sāmaggimagga paṭi pattisu pāpayantu
- 38 Samrājadhānimusabho vahatagga bhāram  
 Pitippayo pajanayeyya savacchadhenu  
 Sassevino abhiraṃmentu chakāmasaggā  
 Dhārentu jhāyim'iha soḷasa dhātudhamā
- 39 Sutvā jinassa karavīka saram manuññam  
 Aññoñña bhītirahitā api paccanikā  
 Hitvā gatiṃ viya ṭhitā padasattarūpā  
 Sabbam bhavassita janānagatiṃ hanantu
- 40 Sovaṇṇa kāhaḷa yugo pamam'indirāya  
 Sannīrapuppha mukulopamamussavāya  
 Niccam susajja ṭhapitam muni tiṭṭhatan te  
 Janghādvayam janavilocana maṅgalāya
- 41 Lakhyā vilāsa mukuradvaya sannikāsam  
 Tāḍaṅka maṇḍana viḍambakamamsu saṇḍam  
 Jānudvayam laḷita sāgara bubbulābham  
 Hotam jagattaya nijatta vibhūsitun te

- 42 Chaddanti dinna varadanta yugopamānā  
 Taṃ hatthi soṇḍa kama puṇṇa guṇā tavorū  
 Līla payodhi siri keḷi suvaṇṇarambhā  
 Khandhā'va dentu paripuṇṇa gune janānāṃ
- 43 Jaṅghakkha kadvya samappita cittapāda  
 Cakkadvayī manamanojahayo mune te  
 Sonī ratho sirivaho manasā bhiruḷhaṃ  
 Lokattayaṃ sivapuraṃ lahu pāpayātu
- 44 Ramm'ora pākata tatāka tatā savanta  
 Romāvalī jala panālika koṭikaṭṭhā  
 Nābhi gabhīra sarasī siri keḷitā te  
 Sassevināṃ vvasana ghammam'alaṃ sametu
- 45 Kanticchaṭā luḷita rūpa payodhi nābhi  
 Āvaṭṭa vaṭṭita nimujjita sabbaloko  
 Sobhagga toya nivahaṃ vivaso pivitvā  
 Lok'uttarādi sukha mucchitataṃ payātu
- 46 Gambhīra cittarahadaṃ paripūrayitvā  
 Taṃsandamāna karuṇambu pavāha tulyā  
 Romālivallihari nābhi subhā'lavālā  
 Detaṃ lahuṃ sivaphalaṃ bhajataṃ mune te
- 47 Cārūra sārīphalako kuṭilagga loma  
 Pantī vibhatti sahito siri keḷi sajjo  
 Saggāpavagga sukha jūtaka keli hetu  
 Hotāṃ tiloka sukha jūtaka soṇḍakānaṃ
- 48 Gambhīra citta rahado dara gāhamāna  
 Mettādayā kari vadhū kara sanni kāsā  
 Sabbaṅgināṃ sivaphalaṃ tanu deva rukkhe  
 Sakhā sakhā tava bhujā bhajataṃ dadantu



- 49 Nihāra bindu sahitaggada'lopa sobhi  
Byālamba ratta padumadvaya bhaṅgi bhājā  
Pāpārisisalunateniva ratta rattā  
Rattā karā tava bhavum bhuvi maṅgalāya
- 50 Rupassiri carita cankama vibbhamā te  
Piṭṭhi yathā kalala muddhani setu bhūtā  
Evaṃ bhavaṇṇava samuttaranāya setu  
Hotam mahakanaka saṅkama sannikāsā
- 51 Saddhamma desana manohara bherināda  
Saṃcārane sivapuram visitum janānam  
Gīvā suvaṇṇamaya cāru mutiṅga bheri  
Bhāvam bhājā bhavatu bhūta vibhūtiyā te
- 52 Lakhī nivāsa vadan'ambuja matta ninna  
Mākaḍḍhayam jana vilocana cañcarike  
Sorabbha dhamma makaranda nisandamānam  
Piṇetu tena sarasena sabhā jane te
- 53 Lakhī samāruhita vattarathe rathaṅga  
Dvandānu kāri miga rāja kapola lilam  
Tādaṅka maṅḍalayugam viya kaṇṇabhājam  
Gaṇḍatthaladwyama' lamkurutam janatte
- 54 Lāvāṇṇa maṇṇava pavāḷa latā dwyābham  
Tandeha deva taru pallava kante mantam  
Vattāravinda makaraṇḍa parājisobham  
Rattādharadwayam'adho kurutam janāgham
- 55 Uṇṇā sakuntigatā matthaka natthu kūpa  
Subbhū lakāra sahitotṭha pavāḷa nāvā  
Gattuttararaṇṇava gatā tava jantukānam  
Hotam bhavaṇṇava samuttaranāya nātha

- 56 Isam vikāsa padumo'dara kesarāli  
Lilā vinaddha rucirā tava danta panti  
Vānī vadhū dharita mālati mālya tulyā  
Tassam jānassa manarañjana mā' careyya
- 57 Saddhamma nijjhara suratta silātalābhā  
Jivhā vaci naṭa vadhū kala raṅga bhūtā  
Saddhamma seṭṭha taraṇi nihitappiyā te  
Samsāra sāgara samuttaraṇāya hotu
- 58 Dantaṃsu kancukita rattadharo padhāne  
Jivhā suratta sayane mukha mandiratṭhe  
Āmokkha mutti vadhuyā sayitāya tuyham  
Kubbantu saṅgama malam jana sotu kāmī
- 59 Unnā tathā' bhinava patta varābhi rāmā  
Lilollasanta bhamuka dwaya nila pattā  
Ghānoru cāru kadali vadanā lavālā  
Tuyham pavattatu ciram jana maṅgalāya
- 60 Bālatthalī hari silātala piṭṭhikatṭha  
Bhūvallaridwaya mayūra yugassa tuyham  
Pañcappabhā rucira piccha yugassirikam  
Nettadwayam manasi puñchatu pāpadhūlim
- 61 Indivar āntagata bhīngika panti bhaṅgi  
Pañc ambujas saratate viya gacchapanti  
Nettambujas siri tirokaraṇiva tuyham  
Pamhāvali siriga'teha tiro karontu
- 62 Vattullasambuḷa vilocana haṃsa tuṇḍa  
Kaṅjaṃsu piñjara mulāla latā dwyābham  
Dolādvyamwa savaṇa dwyam atta lakkhyā  
Hotam tav ajja janatā maticārahetu

- 63 Vammika matthaka sayānaka bhūridatta  
 Bhoginda bhogavali vibbhamamā vahanti  
 Ghānopariṭṭhita' mune tava tuṇṇam' uṇṇā  
 Taggāhino viya janassa dadātu vittaṃ
- 64 Rupin dirāya vijaye khila loka rūpaṃ  
 Ghāno'ru cāru pariḥho'pari baddha siddhā  
 Nilābha vāta viluthanta vayad dhajā bhā  
 Tiṭṭhantu sajja duriṭāri jayāya te bhū
- 65 Uṇṇas sitopala nivesita bunda sandhi  
 Ghāno'ru piṇḍakam' aghā tapa rundhitunte  
 Hotammukham'buja sirī sirasussitā bham  
 Bhū nila pattika lalāta suvaṇṇa chattaṃ
- 66 Ru'paṅka vedana vilocana bāna diṭṭhi  
 Dhārā nisāna maṇivaṭṭa sirī siro te  
 Siddhā mato' sadha katañjana puñja lakkhi  
 Hotam janassa nayanāmaya nāsanāya
- 67 Sakkhandha bāhuyuga torana majjha gīvā  
 Dharappitas sirighato pari mussavāya  
 Niluppālāva ṭhapitā savibhatti kante  
 Kesā bhavantu bhuvanattaya maṅgalāya
- 68 Hemagghiye ṭhapita nīla silā kapāle  
 Pajjota jāla lalitaṃ muni sārāyanti  
 Rūpassirī sirasi bhūsita hema mālā  
 Kārā karotu subhagaṃ tava ketu mālā
- 69 Bhyāmap pabhāli tava kañcana mora kāle  
 Surodaye vitata candaka cakkalakkhi  
 Meghā vanaddha sikharu'nnata hema selā  
 Yan tindacāpa vika'tīva dadātu sobhaṃ

- 70 Patthāya te paṇidhito suci dāna sīla  
Nekkhamma pañña viriyak khama sacca' dhiṭṭhā  
Mettā upekkhi'ti ime dasa pūrato'va  
Pūrentu pārami guṇā janatānam'atte
- 71 Pattu'ttaru't taradasā paṇidhāna bījā  
Cetordharāya karuṇā jala sekha vuddhā  
Sabbāññu ñāṇa phaladā sati vāta guttā  
Taṃ samphalan disatu pāramitā latā te
- 72 Ābodhi puṇṇami paditṭha dinādito te  
Sambhāra kāla sīta pakkha kamābhi vuddho  
Sampūṇa pārami guṇā' mataramsi tam'va  
Sabbāṅgi kunda kumudāni pabodhayeyya
- 73 Āpacchimab bhava sivap phala lābha dānā  
Dānap pabandham' apidāna phalap pabhandam  
Samwaddhayi twam abhi patthanato yathevam  
Jantut taruttara phalam khalu sambhunantu
- 74 Ārambhatop pabhuti yāva tavaggamaggā  
Vikkhālita ghakalusam suci sīla toyam  
Mettā dayā madhura sīlatāyu' petam  
Sodhetu twam' va bhava nissita jantu metam
- 75 Āpacchim attam abhinikkhamanā bhiyogā  
Patthāya tampabhavato paripuṇṇa gehā  
Twam sabba jāti gahato api nikkha mittho  
Evam janā bhava dukhā khalu nikkhamantu
- 76 Ekaggato pala tale nisitā cirandhi  
Dhārā sucittu sutale sati daṇḍa baddhe  
Nibbijhi lakkhaṇa dhanuṭṭhiti santi lakkham  
Khittā tayanamanu vijjhatu jantu khittā

- 77 Twam pāramī jala nidhiṃ caturī' ha bāhu  
Sattīhi suttari ciraṃ janakova sindhuṃ  
Sampanna vikkama phalosi yathā caso' va  
Evaṃ janā viriyatap phalame dhayantu
- 78 Sattā parādha dahanesu ciraṃ sudhantaṃ  
Khantī suvaṇṇa kata rūpa samantim' attā  
Sabbā parādhamasahi twam' asayham' evaṃ  
Sabbe janāpi khamanena bhajantu santim
- 79 Lakkhādhikaṃ catura saṃkhiya kappa kālaṃ  
Saccena suṭṭhu paribhāvita vācino te  
Vācāya sacca phusitāya samenti jantu  
Evaṃ visuddha vacanā janatā bhavantu
- 80 Ādinna dhamma mahiyat thira suppatitthā  
Dhitthāna pārami mahā vajir addi tuyhaṃ  
Sattena kena pi yathāhi abhejja nejjo  
Evaṃ janāpi kusalesu adhitthā hantu
- 81 Twam sabba satta cirabhāvita metta citta  
Toyehi saṃsamita kodha mahā hutāso  
Lokuttaraṃ taditaraṃ hitam'āvahittho  
Evaṃ janesu janatā hitam' āvahantū
- 82 Mittopakāra paṭipakkha jan' āpakāre  
Twam nibbikāra manaso cirabhāvanāya  
Pattosilābha pabhutaṭ ṭusu nibbikāraṃ  
Evaṃ janānunaya kopa nudā bhavantu
- 83 Sampanna hetu vibhavo tusite vimānaṃ  
Yuttaṃ guṇehi navabhip padavī vimānaṃ  
Twam vādhiparam' idhirohiniyā tiloko  
Ārohatu bhaya sukhaṃ padavī vimānaṃ

- 84 Twaṃve' rahaṃsi sam'abujjhi yathāca sammā  
 Sampanna vija caraṇo sugato'si hontu  
 Lokam vido purisadammasusārathī si  
 Satthāsi bujjhi bhagavā si tath' eva jantu
- 85 Sac citta bhū nidahitaṃ janatāya tuyhaṃ  
 Kalyāṇavaṇṇaratanannaṃ vajātibhinnaṃ  
 Dukkhaṃ cora jalupaddutajāti gehe  
 Tassā sukhaṃ bhavatu jīvitum āpadāya
- 86 Vācā vicitta vara tantu gataṅgi kaṇṭhe  
 Swā mutta sagguṇa mahā ratanā valī te  
 Vevaṇṇi yattani bhavaṃ sakalam pahāya  
 Hotāñjanassa siri saṅgama maṅgalāya
- 87 Taṃ sagguṇatthava dhaṭṭha sutip panāli  
 Nissandamāna guṇanīra nipāna tinte  
 Khet' tetta saññini janā kata loma haṃsa  
 Bij ankurī kusala sassa phalaṃ labhantu
- 88 Āpāyikap pabhuti dukkha nidāgha kāla  
 Santāpitā nikhila loka mano kadambā  
 Taṃ vaṇṇa megha phusanā hasanaṃ kurehi  
 Iddhā bhavantu mati vallari vellitā te
- 89 Hetuddasā phaladasā sam avatṭhi taṃ taṃ  
 Sabbattha satta hitaṃ āvahaṇena siddhaṃ  
 Cintāpathātig anubhāva vibhāvanan te  
 Bhūtānam atthu caritaṃ bhutaṃ attha sidhya
- 90 Aṅgārakāsum abhilaṅghiya dāna kāle  
 Bhattattano pada paṭicchaka paṅkajā ca  
 Yātakkaṇe tava pade dhaṭṭha mutṭhahitvā  
 Paṅkeruhāṃ siva madhuṃ sarataṃ dadantu

- 91 Saccena maccha pati vassita vassadhārā  
 Satte dayāya tava vassita vassadhārā  
 Gimhe janassa samayimsu yathā tathātā  
 Dham ambuwuṭṭhiva samentu kilesa dāhe
- 92 Chaddanta nāga patinā khamatā parādham  
 Chetvā kare ṭhapita dantavarāva luddam  
 Loke hitāya ṭhapitā tava danta dhātu  
 Setṭhā janam siva puram lahu pāpayantu
- 93 Tam temiyā khya yatino'ssama mālakamhi  
 Okinṇa mutta kanakā vuja vipa kinṇā  
 Kāruṇṇa vārīda cuto daka bindu bandhū  
 Dhātu samentu tava jantusu dukkhadāhe
- 94 Raṭṭhassa attha caraṇāya asammukhassa  
 Rāmena dinna tiṇa saṃkhata pādukāva  
 Bhuttā tayā ciram asammukha nāgatassa  
 Lokassa atthamanu tiṭṭhatu patta dhātu
- 95 Vutto janānam upadissa varāha rañṇā  
 Satthim sahasa saradam viya nāya dhammo  
 Ādeyya heyyam upadissa tayā pavutto  
 Dhammo pavat tatu ciram janatā hitāya
- 96 Mārāri maddana hitā dhigamaṃ karotā  
 Bhatto tayā vara mahā jaya bodhi rājā  
 Saggā pavavagga hita hetu janassa hantvā  
 Sabbantarāyam iha tiṭṭhatu sutṭhu sajjo
- 97 Sāmoda vaṇṇa bhajanī guṇa mañjarīyam  
 Caryā latā vikasitā tava sapphalāṅgam  
 Okinṇa citta madhupe rasa piṇayanti  
 Sambhāvitā bhuvī pavattatu matthakehi

- 98 Sambuddha selawalayantara jānan awā  
Nottattato tipathagā yati sāgaratthā  
Dhammā pagā suti vaso tarite puṇanti  
Sambhāra sassam iha vattatu pacayanti
- 99 Paññāna kūpa sita paggaha vāyu gāhī  
Saddhā lakāra sahitā sati pota vāhā  
Sampāpayātu bhava sāgara pāra tira  
Sap pattanaṃ varadhane pati patti nāvā
- 100 Bojjhañ'ga satta ratanā kara dhamma khandha  
Gambhīra nira caya sāsana sāgaro saṃ  
So silyananta tanu weṭṭha ñāna mantha  
Selena manthitavataṃ disatā mataṃ ve
- 101 Vuttena tena vidhinā vidhinā tato taṃ  
Laddhā nubhūtaṃ amataṃ khila dosa nāsaṃ  
Accanta roga jaratā maraṇā bli bhūtaṃ  
Bhūtaṃ karotu amaraṃ ajaraṃ arogaṃ
- 102 Saddhamma rāja raviniggata dhammaraṃsi  
Phullo dhutaṅgadala saṃvara kesar āli  
Saṅghā ravinda nikaro samadhuṃ samādhi  
Sakkiṇṇiko disatu sāsana wāpi jato
- 103 Ānanda rañña ratanādi mabā yatinda  
Niccap pabuddha padumaṃ piya sevin aṅgī  
Buddhappiyena ghana buddha guṇap piyena  
Therālinā racita Pajjamadhū pi bantu
- 104 Itthaṃ rūpa guṇānukittanawasā taṃ taṃ hitā siṃ  
sato  
Vatthānussati vattita iha yathā sattesu mettāca me  
Evam tābhi bhavanta ruttara tarā vattantu tā bodhi  
me  
Saṃyogoca dhanehi santihi bhava Kalyāna mittehi  
ca